

Biblioteca
ASTRA, Sibiu

*
P.C.N.

'92

*
05

*
T1-229

L.

§

§

Georgius Mihalecz

Ano Domini 1799

Georgius Mihalecz

Ano 1799

Georgius Mihalecz

Ano 1798

CULTUS B. MATRIS

Præter
CONSTANTES

Etiam


IN MENSTRUAS,
HEBDOMADARIAS,
QUOTIDIANAS,

~~Septuaginta~~ ET ~~Septuaginta~~

HORARIAS PRAXES

~~Septuaginta~~ Breviter ~~Septuaginta~~

DISTRIBUTUS.




40 CLAUDIOPOLI

Typis Academicis Soc. JESU

Anno 1761. 98

BIBLIOTECA
SISU

1174





PRAXES

Pro constanti Cultu Beatissimæ
Matris.

Totis Medullis cordium , mo-
net Bernardus , totis præ-
cordiorum affectibus , & vo-
tis omnibus Mariam veneremur ,
quia sic est voluntas Ejus , qui to-
tum nos habere voluit per Mariam.
Age igitur , & amando divini Ma-
trem amoris , DEI voluntatem ad-
imple. Imitare S. Brinulphum Sca-
rensem in Suecia Episcopum , de
quo B. Virgo ad S. Brigidam : *Hic*
est , qui me , dum vixit , vitâ habuit
chariorem. Ut idem amoris testi-
monium merearis , elige Mariam in
Matrem , Dominam , & Patronam
tuam , fidem Ei solemni formula &
magis opere , contestando :

Sancta Maria Mater DEI, & Virgo! Ego N. Tè hodie in Dominam, Patronam, & Advocatam eligo, firmiterque statuo, ac propono: me nunquam Tè derelicturum, neque facturum, aut permissurum, ut à meis subditis aliquid contra tuum honorem, unquam agatur. Obsecro Te igitur, suscipe me in servum perpetuum; adsis mihi in omnibus meis actionibus, nec me deseras in hora mortis meæ, Amen.

Hanc formulam Joannes Berchmannus S. J. quotidie mane recitaverat, & sumpto SS. Eucharistiæ Sacramento identidem renovavit. Familiare illi erat: *Volo amare Mariam. Securus non sum, nisi habeam verum, & filialem affectum erga B. Virginem. Rogatus à Sacerdote, jam morti proximus: utrum Mariam amet? Reposuit: Si mille corda haberem, mille cordibus amarem. Et mox: Quam conatus sum amare in vita, & ipsa amabit me in morte.*

I. Hunc

I. Hunc amorem Marianum ut consequare, odio peccatum habe, omni studio corporis animique puritatem sectare : quidquid in imaginibus, libris, conversationibus periculosum est, fuge. Quia fugere hac in arena, est vincere, ac præstat perire non posse, quam continuo in periculo non periisse.

S. Aloysius Gonzaga Magnæ Matri placendi studio accensus, nono ætatis anno Florentiæ Virginitatem voto spondit, nunquam vel levissimo nævo ad mortem usque contaminatam. Parem in modum jam antea SS. Edmundus, Alexius, Casimirus, alique purissimæ Virginis amatores sese devoverant. Æmulare puritatem, sed cave, ne voto, sine conscientiæ Arbitri consilio, te obstringas. Verecundiam indue S. Bernardini Senensis, cujus ad aures, si quod turpe verbum fuit allapsum, rubore suffusus est, ceu colapho ictus esset. Hinc eo præsen-

te nemo aliquid minus honestum proferre ausus, & si fortè indecorus coëptus sermo, illo accedente conticuere omnes, data veluti tessera: *Tacete: Bernardinus adest.*

II. Si vitii alicujus consuetudine laboras, in honorem DEI paræ aliquo tempore abstine. Ita S. Bernardus Nobilem Gallum à gravis peccati consuetudine liberavit, impetrans, ut in honorem SS. Trinitatis triduo abstineret à vitio; alio triduo in honorem B. V. Mariæ, tandem alio in honorem SS. omnium. Paruit monito, & foedæ consuetudinis vinculo est solutus. Similes nimirum amor facit, quos tales non invenit. Hinc graviter errant, qui prætextu obsequiorum, quæ Mariæ exhibent, liberius Filium ejus offendunt. Servum ejusmodi temerarium coram Divino tribunali ab ipsa DEI Genitrice incusatum Sancta Brigida vidit.

III. Etiam fiduciam auget amor. Quare nullum suscipe negotium, opus nullum præsertim majoris momenti, aggredere, nisi prius post DEUM invocata DEI para. S. Franciscus de Paula ab infantia morem hunc tenuit: omni sermoni Salutationem DEI paræ præmisit. S. Ignatius suspensis ad Virginis aram armis in monte Serato, sub Ejus auspiciis novus Christi miles esse coepit. S. Theresia in Antistitem Monasterii Avilensis electa, ad pedes Dominae nostræ, cujus imaginem in Choro ad locum Antistitis erigi curavit, claves deposuit.

IV. In necessitatibus, & adversis omnibus filiali cum fiducia ad Mariam recurre, præcipue in tentationibus dicendo: *Monstra Te esse Matrem. Sub tuum præsidium confugimus sancta DEI Genitrix, &c.* Imo non expectabis tentationem, sed secundum consilium, quod homini prava consuetudine implicito

S. Philippus Neri^{us} dederat, hoc recurſu illam prævenies.

S. Franciſcus Xaverius à Dæmonibus inter orandum verberatus nihil de oratione remittens, DEIp^{ara}ram ferventius implorabat : *Domina opitulare ! Sanctiſſima DEIpara Cali Regina ! quæ quidquid Filium oras , ſemper exoras , adeſto Advocata noſtra !*

V. Mariam elige in literarum ſtudiorumque Præſidem & Patronam , eamque in dubiis , & difficultatibus invoca , quia eſt Sedes Sapientiæ. S. Edmundus cum libris operam dabat , B. V. Inaginem eburneam coram ſe habebat , ut cum lectione preces ad DEIp^{ara}ram conjungeret. Neque ſtudium unquam inchoabat , niſi Ejus ope prius implorata.

P. Franciſcus Suarez S. J. pietate, & doctrina illuſtris Theologus dubia ſua , quæ inter ſtudentum occurrebant, ſolitus eſt orando confer-

ferre cum B. Virgine , à qua cum solutionem accepisset , genu flexo Eidem gratias egit.

VI. Si nondum elegisti stabile vitæ genus, Mariæ utpote Matri boni consilii commenda negotium tuæ salutis, in deligendo vitæ statu; si vero jam elegisti, proposita tua, beneque juxta status tui rationem vivendi desideria Mariæ confirmanda offer. S. Aloysius DEI param consulens in hoc negotio, post Sacram Synaxim perceptam , ex Ejusdem imagine allapsa hæc verba audivit: *Societatem JESU ingredi.*

P. Thomas Sanchez , cum ob linguæ impedimentum in Societatem JESU, quam ardentem exoptabat , non reciperetur, ope Virginis Matris invocata, impedimento solutus, & societatem ingressus est , quam vitæ innocentia, & singulari doctrina illustravit.

VII. Ut firmior tuus in Virginem amor maneat, Nomen tuum Soda-

litati rite inscribe, Coetus diligenter frequenta, leges observa. Præivere Cæsares, Reges, Principes, Magistratus insignibus exemplis, quæ merito nos trahant.

Justus Lipsius vir inter Belgas celeberrimus, morti vicinus cum rogaretur, quidnam illi in extrema illa hora maximo esset solatio? respondit: *Quod DEI paræ Sodalitati nomen dederit.*

VIII. Sequere monitum S. Bernard. Mariam cogita, Mariam invoca, non recedat à corde, non recedat ab ore. Quare frequenter Sanctissimum Mariæ Nomen cum fiducia, & reverentia invoca. *Maria! Mater DEI memento mei!* Angeli (ita ipsa Virgo ad S. Brigidam dixisse fertur) cum audiunt Nomen meum, delectantur, animæ purgantes solatium accipiunt, e contra omnes Dæmones contremiscunt. *O Magna!* exclamat Bernardus, *ô Magna, ô*

Pia!

Pia! ô multum amabilis Maria! Tu nec nominari quidem potes, quin accendas, nec cogitari, quin recrees affectus diligentium Te.

IX. Ubi in te amor Virginis Mariæ exarserit, etiam alios accende, maxime Tibi subjectos ad cultum Virginis DEIPARÆ hortare, instrue teneriorem ætatem, qua ratione laudare Virginem, & invocare debeat. Sors hæc S. Francisco Borgia, & S. Aloyfio obtigit, ut prima, quæ formare docti sunt, verba fuerint Nomina JESU, & MARIÆ. Joannes I. Lusitania Rex sedulus erat in Dei Matris amore, ac veneratione procuranda. Author erat Ministris, ac reliquis aulicis suis, ut officium B. Virginis recitarent. Sanctæ Brigidæ Ipsa Virgo his verbis conlulit: *Labora, ut filii tui, sint etiam filii mei.*

X. Ad promovendum Virginis cultum juverit: de Ea crebro ser-

monem inferre. Dextrè id novit D. Bernardus, & S. Stanislaus Kostka S. J. aliique Mariani Clientes. Imitare, & experimento disces: *Cum Tui fit mentio, Maria gustum sentio.* Eo fine nonnulli in Coetum statis diebus coire soliti, de Marianis laudibus ultro, citroque conferunt.

XI. Ut magis DEI paræ placeas, illos etiam Sanctos venerare, qui B. Virginem cognatione contingunt, præcipue D. Josephum, & D. Annam.

XII. Si facultates suppetunt, auge Sacram Suppellectilem in Templis, Aris, & Sodalitatibus Marianis. Constantinopoli Pulcheria Augusta, Aquis-Grani Carolus Magnus, in Hungaria S. Stephanus Rex, Spiræ S. Henricus, in Lusitania Joannes I. alii alibi Tempia magnifica in honorem DEI parentis condidère. Henricus Canisius Ingolstadiensem Sodalitatem ex asse hæredem instituit.

euit. Marcus Antonius Muretus Romano Virginis Sodalitio quingentos aureos testamento legavit. Si opibus non vales, saltem floribus, aut alia ratione altaria, vel imagines Virginis exorna. Mauricum Mancipium hoc obsequio baptismi incredibili animi obstinatione antea contempti, desiderium in gratiam accipere meruit.

XIII. Si minus illa potes: offer Virgini Coronam florum Spirituum, id est: variorum actuum virtutis, & mortificationis, qui diebus singulis in Ejus honorem exerceantur. Usu jam pene quotidiano, hujus obsequii exercitium Marianis Clientibus est receptum.

XIV. Nunquam intermitte Marianæ pietatis obsequia, quæ persolvere constituisti. Novi magni Nominis Sodalem quempiam, cui ingenti in morte solatio fuit, rosarium a se, quadraginta duorum annorum spatio, nulla die, non recitatum esse.

Franciscus Costerus S. J. illustris
B. Virginis Cultor, morti proximus,
cum interrogaretur, quis cultus DEI-
paræ esset omnium acceptissimus ?
respondit : *Constans , quantumvis*
exiguus. Ut porro tempus haud ul-
lum Cultu Mariano sit vacuum, varias
praxes subjicio , quas sincerus quis-
que Magnæ Matris Cultor obeat.

P R A X E S

Pro Menstruo Cultu B. Matris.

I. **M**ENSIS initio vide, qui in Vir-
ginis cultu te habeas ? & ut
negligentias in obsequio Mariano
suppleas, obedientiam a Divino fi-
lio præstitam ipsi offer. Hoc genus
obsequii Christus ipse S. Mechtil-
dem docuit, cui cum apud Domi-
num conquereretur, quod nunquam
ipsius Matri, pro merito inservisset,
Christus apparuit , & os illius cor-
di applicuit, dicens : *Hinc hauries ,*
quantum Matri meæ offerre desideras.

II. Ob-

II. Obſerva diligenter Feſta DEI Parentis, quæ ſingulis menſibus occurrunt: Nimirum Deſponſationis 25. Januarii. Purificationis 2. Februarii. Annunciationis 25. Martii. Dolorum in Aprili. Gaudiorum in Majo. Cordis B. V. in Junio. Viſitationis 2. Julii. Aſſumptionis 15. Auguſti, quam diem Magnæ Dominae appellari à ſuis voluit S. Hungariæ Rex Stephanus. Nativitatis, & Nominis B. V. in Septembri. Roſarii B. M. V. in Octobri. Præſentationis 21. Novembris. Immaculatæ Conceptionis in Decembri.

Horum Feſtorum Myſteria præcipue reſcolenda ſunt, & congruis obſequiis honoranda. Nonnulli per octavam Feſtorum Virginis recitare quotidie triginta quinque *Ave Maria* ſolent, in honorem totidem dierum, quibus JEſus in utero B. Virginis commoratus eſt, & dierum, quibus B. Virgo in utero S. Annæ delituit. Hoc pietatis obſe-

sequium Virgo ipsa S. Gertrudem docuit, & obeuntibus ingens præmium promisit.

III. Ut majore cum pietate, animæque commodo, præcipue septem solemniora Festa celebres, devotam aliquam præparationem præmitte. P. Claverus S. J. biduo, tri-duoque ante Festa B. V. M. exivit in vicos & plateas, omnesque ad Festum imminens, Sacramentis obeundis religiose celebrandum invitavit. Franciscus Toletus Cardinalis è Soc. JESU 40. dies totos, etiam in ultima ætate ante Festum Assumptionis B. V. M. jejunabat. Festis Immaculatæ Conceptionis, & Annunciationis octo dierum jejunia præmisit, augebat Eleemosynas, ejusque templa noctu visitabat. In pervigiliis Virginis S. Carolus Borromæus, & sequaces plurimi, jejunium pane & aqua definivere. Id ipsum in usu fuit P. Thomæ Sanchez, qui tria maxime in deliciis habuit, SS. Sacramen-

mentum, JESUM crucifixum, & Mariam Virginem. P. Franciscus Comacho S. J. se DEI paræ dabat in victimam, & sub Ejus Festa jejuniis, asperis ciliciis, & mira somni brevitate in se ipsum erat severior.

IV. Mensibus singulis sub præsidio Mariæ Matris Misericordiæ, per Sacramentum poenitentiae animam sincere à vitiis purga, idque potissimum Festis ejusdem diebus. Semel Generalem Confessionem institue, & deinceps circa Festum aliquod B. M. V. annis singulis ab ultima Confessione generali inchoando generaliter confitere. Documentum hujus S. Franciscus Borgia dabat, qui selectis B. V. M. Festis animum ipse suum introspectit, si quid forte elanguisse comperisset.

V. Pariter, ut minimum semel, mense quolibet SS. Synaxim sume, & ope DEI Matris inde devotionis incrementum cape. S. Ignatius de Loyola, incredibilis aiebat esse sola-

PRAXES

Pro Hebdomadario Cultu
Beatissimæ Matris.

I. **S**ingulis hebdomadis elige ex
vita B.M.V. specialem virtu-
tem, in Ejus honorem exercendam.
S. Eduardus Rex, S. Alexius, S. Elze-
arius. S. Aloyf. & mille alii DEI Ma-
trem Virginem imitandi studio, casti-
moniam delegerunt. Alii humilita-
tem, Devotionem, patientiam, so-
lertiam in studiis, negotiisque tra-
ctandis, exactum silentium, charita-
tem, obedientiam, paupertatem alii
imitandam sibi proposuere, atque
has virtutes, ut in se efformarent,
cum P. Thoma Sanchez particulare
examen adhibuere.

S. Franciscus Borgia, ut Gynæ-
ceum, quod in aula Joannis Lusitaniae Regis erat, ad pietatem ex-
fifi-

stimularet, schedas curavit aptari, quot illic erant Matronæ Virgines Nobiles. Tum forte eductis earum nominibus, divisit illis has schedulas, in quibus signatæ erant certæ orationes persolvendæ, certaque virtus exercenda per octiduum; quod tunc ob DElparæ festum celebrabant. Imitare! facili negotio inter Domesticos, aut Scholares, virtutes Marianæ, aut DElparam colendi praxes dividi, & piis Clientibus forte committi possent.

II. Die Dominico: Gratias age B. V. M. pro beneficiis, quæ ab ipsa, & per Ipsam accepisti. Omnia enim per Illam habemus. Propone novum fervorem in Cultu Ejus. S. Hermannus Præmonstratensis, cum semel obsequia, quæ Virgini reddebat, obivisset negligentius, Hanc sibi obviam vidit in decrepitæ, & deformis foeminæ habitu, atque dicentem: Talis sum in tuo distracto & negligenti animo, quo dicto

cto confusum, & emendatum reliquit.

Lege hodie librum de B. M. V. hac lectione Ven. Joannes Berchmannus, aliique plurimum profecerunt. Abjice, si quem domi habeas, obscœnum librum, averfatur hos libros Purissima Virgo, & recedit à cubiculo, in quo ejusmodi Marianus hostis terretur.

Die hujus. Virginis Imaginem in cubiculo expone, aut tecum defer, ingens ab his terror, teste secundo Concilio Nicæno, diabolo incutitur. Ludovicus Pius Imp. semper aliquam Divinæ Matris Imaginem circumtulit, coram qua, cum venatum egressus esset, Comitibus aliis recreationi intentis, flexis Ipse genibus preces persolvit.

Gaude ex animo de perfectionibus Virginis Sanctissimæ, aspira cum D. Brigida. Ego vero mallet mansisse in nibilo meo, quam ut Maria in Mundum non sit producta, ut-

utque illa non esset Mater DEI, & Regina Universi.

Die Martis: Singulari cultu hodie cognatos DEIPARÆ venerare. P. Josephus Scammacca S. J. sæpe ad S. Annam sic aspiravit: O Beatissima Anna, rogo Sanctissimam filiam tuam Mariam Matrem DEI, ut ipsa me commendet Benedicto Filio Suo JESU Christo, Nepoti Tuo; ut è sinu Divinæ Misericordiæ nunquam excidam.

Die Mercurii: Offer Beatæ Virgini cor Divini Ipsius Filii, exemplo S. Gertrudis, cui testata est Virgo: hanc oblationem sibi pergratam fore. Elice hodie Hunc affectum: Cupio ô Domina mea, Te amare illo amore, quo Te JESUS tuus amavit. Desidero servire Tibi omnibus viribus meis, & obsequia illa præstare, quæ tibi JESUS in carne mortali præstitit, & præstant nunc in cælo omnes Sancti, & Justi omnes in terra-

Fac hodie Eleemosynam in honorem B. V. S. Elisabetha Hungariæ Regina, cum parvula adhuc esset, pecunias, quæ ad recreationem Ipsi concessæ erant, omnes afferabat, ad honorem Virginis in eleemosynam erogandas. Pro compensatione aliqua petebat à pauperibus, ut recitarent *Ave Maria*. Sanctus Gerardus, primus Episcopus, & primus Hungariæ Martyr nemini negabat quidquam, quod nomine Magnæ Dominæ petebatur. Si deest eleemosyna corporalis, Spiritualem impende, & in Cultu B. V. alios instrue, hortare, &c.

Die Jovis: Visita devote aliquam Ecclesiam, aut Sacellum honoribus B. Virginis consecratum. Thomas Sanchez non virtute minus, quam scientia illustris, quoties domo exibat, semper aliquam Mariæ dedicatam ædem invisebat. Sanctus Henricus Imperator cum civitatem aliquam ingrederetur, recta petiit
tem-

templa ob devotionem Marianam magis celebria, ut magnam Virginem honoraret. Sic Venerabilis Joannes Berchmannus: antequam Societati nomen daret, quotidie Aspricollensem Virginis ædem adibat. Postea Religiosus nullum passus est elabi diem, quo non salutaret DEI Matrem in Sacello eidem dicato. S. Gerlacus quovis anno ad Aquisgranensem DEI param visitandam, nudis pedibus peregrinari solebat. Utere his verbis: *Ave Virgo Filia DEI Patris! ave Virgo Sponsa Spiritus Sancti! ave Templum totius SS. Trinitatis.*

Die Veneris: Compatere doloribus, quos Virgo in Passione Filii sustinuit. Admodum à te illorum memoriam desiderat Virgo Sanctissima, olim S. Brigidæ de Christianis conquesta, quod à paucis sincere diligeretur, quia nimirum pauci suis doloribus compaterentur. Unde B. Margarita de Cortona, ut

B dolo-

dolorum Mariæ particeps fieret, petiit & obtinuit: multos inde favores consecuta. Proderit hodie mortificationem aliquam assumere in honorem B. V. Beata Musa, quæ amore Virginis à ludis infantilibus abstinebat, ab hac invitata, & ad coelum deducta est. B. Nicolaus Tolentinus adhuc infans tribus per hebdomadam vicibus lac à nutrice summere recusabat, mercedis loco morienti adstitit Maria, & in coelum deduxit. Ora hodie *Stabat Mater*. aut 7. *Pater & Ave*. in honorem 7. dolorum Virginis. *Eja Mater fons amoris, me sentire vim doloris fac, ut tecum lugeam. Fac ut ardeat cor meum in amando Christum DEUM, ut tibi complaceam.*

Sabbathi Diem ab Ecclesia cultui Mariano specialiter dicatum singulari pietate exige. S. Nicolaus Tolentinus, S. Elisabetha, S. Carolus Borromæus, Franciscus Toletus, alijque singulis Sabbathis strictum jejunium observarunt. Se-

Sebastianus Lusitaniæ Rex quolibet Sabbatho bis Sacrificio Missæ interfuit, & etiam Sacerdoti ministrabat. S. Thomas Cantuariensis Archi-Episcopus diebus Sabbathinis ad carnem durissimum gestabat cilicium, in quo refarciendo à DEI para fuit adjutus. Venerabilis Joannes Berchmannus Sabbathata præter jejunium, publico aliquo humilitatis exercitio, & privata sui afflictatione celebravit, statuitque diebus his aliquid loqui de B.M.V. P. Joannes Pelletarius singulis Sabbathis ad populum constanter de Laudibus Virginis dixit.

Cardinalis Baronius omni Sabbatho sermonem de Divinis rebus ad suos domesticos habuit, aut fieri curavit, quem ipse audivit. Eodem die S. Gerardus, Episcopus Csanadiensis in altari, quod ad honorem Virginis erexit, devotionis suæ officium explevit.

Ferdinandus III. Imperator ad

latii, diligenter expendere, quoties Divinis epulis accumbimus, non Christi Domini solum, sed & Matris Ejus DEIparæ Mariæ carnibus nos vesci, ac cibari.

S. Franciscus Borgia, triduo ante sumptionem SS. Eucharistiæ, per B. V. opem imploratam, se in hunc modum disponebat: Primo die vesperti novies salutationem Angelicam recitabat B. Virgini, ut ipsi obtineret à DEO apparatus animi mensæ divinæ parem. Nempe 1. DEI, & animarum salutis fervens desiderium. 2. Dignam ad hoc Sacramentum præparationem. 3. Humilitatem. 4. Charitatem. 5. Sensum Passionis Christi. 6. Incrementum fidei. 7. Augmentum gratiæ ad Christum digne recipiendum. 8. Devotionem. 9. Spirituale gaudium. Secundo die offerebat quinque Orationes Dominicas, & totidem Angelicas salutationes, ut per Mariam particeps fieret Passionis Christi.

Christi, suoque cordi quinque ejus vulnera imprimerentur. Tertio die septies *Ave Maria* dicebat, ut per illam dona Spiritus Sancti impetraret. Post Eucharistiæ sumptionem triduum denuo impendit gratias agendo in hunc modum: Primo die vesperi Mariam tanquam DEI Patris Filiam adivit, recitataque ter salutatione Angelica gratias illi egit pro præparatione ad Incarnationis Mysterium, quo ad nos Cœlestis hic Panis devenit. Altero die salutavit Matrem DEI Filii ter dicendo: *Ave Maria*; gratiasque egit Matri JESU, quod lacte proprio, magnisque laboribus hunc Panem nobis ad victum dederit. Tertio die Spiritus S. Sponsam veneratus est, iterum ter orando Salutationem Angelicam, egit Mariæ gratias, quod charitate maxima redemptionis nostræ causa Filium DEI in Cruce obtulerit.

trem salutavit orans ut sibi bene precetur. Oblato in vicem corde suo.

III. Te, Tua omnia, illosque, qui tuæ Curæ commissi sunt, sæpe commenda B. V. atque in Ejus tutelam. Dic : *Meque meosque Tibi commendo Virgo Maria!* S. Carolus Boromæus omnia, quæ considerat collegia, B. V. Patrocinio commisit. S. Stephanus Rex Hungariæ totius Regni Patronam Mariam constituit.

IV. Preces à Sodalitatis legibus præscriptas nunquam omitte. Officium de immaculata Conceptione, Litanias Lauretanæ, Rosarium diligenter persolve.

S. Gertrudis cum Rosarium aliquando orasset: ante pedes JESU Christi tot globulos aureos vidit, quod verba recitando protulit, quos subinde Dominus in manus Virginis deposuit. Hæc vero in sinum suum recepit: dicens: se totidem
alia

alia beneficia Gertrudi in ultimo articulo reddituram.

V. Cura: ut semper tecum Coronam, seu Rosarium habeas. Sanct. Franciscus Salesius illud è zona pendulum gestavit, ut palam testaretur, se esse servum Mariæ. S. Ludovicus Bertrandus, & Ven. Joannes Berchmannus nocte etiam, cum somno se darent, illud prius exosculati collo imponebant.

VI. In honorem B. V. quotidie Sacrificio Missæ interesse stude. Petrus Cisterciensis, qui in honorem Virginis pluribus Sacris adesse solebat, visus est post mortem inter Coeli cives splendoribus irradiari.

VII. Quotidie cordis puritatem à Virgine postula. P. Bernardinus Realinus casto Adolescenti, at sæpius impuris cogitationibus tentato Author fuit: ut cum immundus hostis resurgeret, pectus ter signo Crucis muniret, diceretque: *Per Sanctam Virginitatem, & Immaculatam*

latam Conceptionem tuam, ô purissima Virgo emunda cor, corpus, & animam meam, in Nomine Patris, & Filii, & Spiritus Sancti, Amen. Monitum secutus Adolefcens, faffus est, fe nunquam poſtea ejusmodi tentatione agitatum. Hunc in finem accurate examen conſcientiæ inſtitue.

VIII. Quando è cubiculo prodis vel redis, ſaluta B. Virginem, teque illi commenda. Hoc devotionis genus exercuit Landſpergius magni Nominis Carthuſianus, multosque habet imitatores. Sequere & tu, & imaginem B. V. procura, cujus pedes oſculari poſſis, quoties loco tuo abis, vel reverteris. Succellum in geſtis negotiis relatam, huic praxi adſcripſit Carolus Scribanius.

IX. Quoties imaginem B. V. M. cernis, detecto capite, & pio cordis affectu ſaluta. S. Bernardus dum aliquando ita ſalutaſſet Virginem :
Ave

Ave Maria, responsum audire meritus est: *Salve Bernarde*. Imò constanter ad pectus V.M. imaginem gesta, ut supra monuimus, id quod enixe suavit suis S. Carolus Borromæus, iconem Matris DEI, tanquam salutare adversus omnia mala amuletum reputans. S. Ignatius Loy. Baronius, Ferdinandus Marchio Gonzaga, Sebastianus Rex Lusitaniæ, semper è collo pendulam tulere B. V. effigiem, ceu vitæ præsidium.

X. Ad sonitum horologii Mariam invoca. S. Richardus Cisterciensis in Anglia Episcopus, hanc precationem in vita, & in morte usurpabat: *Maria Mater gratiæ, Mater Misericordiæ, Tu nos ab hoste protege, & hora mortis suscipe*. Alphonsus Rodriquez: *JESUS! Maria! mei dulcissimi amores! patiar ego, moriar ego amore vestri, vester sim totus, & nullatenus meus!*

XI. Ad signum Salutationis An-

gelicæ in genua procumbe. Quidam in lecto jacens, cum ad matutinum Salutationis Angelicæ signum genu flectere omitteret, vidit, quod Ecclesiæ turris suo se vertice pœne ad terram inclinaret, unaque vocem audiit, quæ graviter segnitiam in exhibendo Virginis Cultu, exprobrabat.

XII. Sanctissimo Nomine JESU, & Mariæ, dum surgis, & decumbis, frontem, & pectus devote munias. Solitus est id S. Edmundus, antequam se in lecto ad quietem componeret.

XIII. Multis salutare fuit: nulla non die devote recitasse Antiphonam: *Beata viscera MARIAE Virginis, quæ portaverunt æterni Patris Filium, & beata ubera, quæ lactaverunt Christum Dominum.* Quotidie etiam *Salve Regina*, aut aliam pro tempore Antiphonam ora.

XIV. Pergrata est B. Matri recitatio Cantici sui *Magnificat*. Si non
fin-

singulis, saltem S. Communionis diebus illud (Deo, & B. V. gratias agendo) recita. Personæ cuidam devotæ, quæ sæpius hoc Marianum Canticum persolvit, in articulo mortis apparuit B. V. eidemque benedixit, tum animam illam devotam secum ad coelum deduxit.

XV. Vespere ne omittas secundum Legis Marianæ Sancitum examinata conscientia, (quod singulari cura a puritatis amante obeundum) aliis precibus ter *Pater*, & *Ave*, & Psalmum *De profundis*, pro Defunctis adjungere. Placet enim valde DEI paræ Virgini, si animabus illis purgantibus feramus precibus subsidium. Nam S. Brigidæ falsa est, se Matrem illarum quoque animarum esse. Præsertim pro illis ora, quæ magis Virgini in vita devotæ fuerunt.

XVI. Singulis diebus invoca B. Virginem, suscepta etiam aliqua corporis, animique mortificatione,

ut in hora mortis tibi assistat. Præcipue observa voces in Salutatione Angelica: *Nunc*, & *in hora mortis nostræ*. P. Bartholomæus Didacus S. J. rogatus ante mortem, quid hoc in Articulo eum maxime recrearet, respondit: *Beatissimæ Virginis præsidium*. Et merito sane, nam dum S. Joannes de DEO, & ipse morti proximus suprema illa in lucta B. Virginis auxilium invocaret, præsentem ipsam DEIpam, & mortualem sudorem abstergentem sensit, simul atque has solatio plenas voces audivit: *Joannes! non soleo devotos meos in hac hora deferere.*



PRAXES

Pro

Horario Cultu Beatissimæ
M A T R I S.

H O R A I.

Ad Matrem Christi.

AVE DEI Patris Filia, DEI Filii
Mater, DEI Spiritus Sancti
Sponsa, & Mater D. N. JESU
Christi ave. Per te accessum ha-
beamus ad hunc Filium tuum pri-
mogenitum, ut per te nos suscipiat,
& per te votis nostris ac precibus
benignus annuat, per quem in ara
crucis morientem, tibi traditi su-
mus adoptivi. Hoc meum, hoc
omnium filiorum tuorum votum
est: pro quorum singulorum neces-
sitatibus humillime supplicem me
hodie apud te, Mater dilectissima,
indignissimum admitte advocatum,
Amen.

Statuam B. V. M. Viennæ quolibet die Sabbathi Lauretanæ Virginis laudes decantari voluit, qui mos jam plurimis in Ecclesiis, convenientibus devotis Mariæ Clientibus servatur.

Expedit hac die, libellum de Cultu B. M. V. legere, & lecta aliis narrare.

Oratio S. Anselmi.

IMpende mihi tuam ô Virgo gratiam, & fac cum servo tuo misericordiam, ut diligens diligar à te, quin magis: sicut verè diligis me, ita & ego verè diligam Te. Veneretur Te, sicut dignum est, mens mea, diligat Te, sicut æquum est, cor meum; serviat Tibi, sicut expedit, anima mea; exultet in Te, sicut debet caro mea; & in hoc consummetur vita mea, ut in æternum salvetur tota substantia mea.

PRA-

PRAXES

Pro

Quotidiano Cultu Beatissimæ
MATRIS.

I. **O**Mnes actiones tuas in honorem Magnæ Matris offeras, & illas unito cum ipsius Virtutibus. Visa fuit aliquando studiosi juvenis anima instar candidissimæ columbæ in gremio Virginis M. residere, quam ipsa in Coelum se ducere affirmarat, ut mercedem studiorum suorum reciperet, quia hæc non ad propriam gloriam, sed ad Matris DEI honorem direxit.

Mane, & vespere pete à B. Matre benedictionem, his verbis: *Nos cum prole pia benedicat Virgo Maria*, quibus Beatus Henricus Susodæmonem aliquando in fugam egit. S. Stanislaus mane, & vespere se ad Templum B. V. convertit, & Ma-

Mater inviolata! te enim apud Filium advocatam nobis constituit Pater, qui eundem apud se Filium nobis dedit mediatorem; redde igitur nobis peccatoribus illum placabilem, & hunc benedictum fructum inviolati ventris tui, JESUM nobis post hoc exilium ostende. Amen.

HORA VI.

Ad Matrem Intemeratam.

INDignus sum, qui oculos ad coelum levem, & ad thronum misericordiae & gratiae DEI accedam, quem toties ingratus & impudens despexi, tu unica, ô Mater intemerata! peccatorum advocata es. Tu es, ô MARIA! cui Filius tanquam Matri dilectissimæ nihil negat, reconcilia me, nosque omnes adoptivos filios tuos ostende DEO, & redde eum nobis propitium tua intercessione, ut te tota æternitate glorificemus Matrem nostram. Amen.

HO-

HORA VII.

Ad Matrem Amabilem.

O Magna! ô pia! ô Mater amabilis MARIA! respice in nos amabili vultu tuo, & ad præsidium, & tutelam tuam confugientes Maternis brachiis amplectere. Audi filios tuos gementes & flentes in hac lachrymarum valle, & fiat verbo tuo ille nobis propitius, qui per te datus est nobis JESUS Christus, DEI, & tuus Filius. Amen.

HORA VIII.

Ad Matrem Admirabilem.

TRahe nos post te, ô Mater admirabilis! quia semper sancta, semper Virgo; ut curramus in odorem virtutum tuarum: converte ad nos lumen miserationum tuarum, ne nos urant perversæ nostræ concupiscentiæ: Sub umbra alarum tuarum nos protege, sub
hanc

hanc confugimus, exules adhuc & Evæ, sed tamen & tui Filii ô Maria! esto igitur requies nostra, in te habitamus (quoniam Matrem elegimus te) Amen.

HORA IX.

Ad Matrem Creatoris.

OMnipotentis omnipotens Mater Creatoris, fileat misericordiam tuam, si quis est, qui invocatam te in necessitatibus sibi meminit defuisse. Ego opus tuum sum, opus manuum tuarum omnes nos; in te enim, per te, & de te nostra sunt omnia, vita, & melior vita, vocatio nostra: merito igitur in te spem nostram reponimus, ut nobis gratiam DEI concilies, conserves, & augeas, per quam solam DEO & tibi vivimus, Amen.

HORA X.

Ad Matrem Salvatoris.

BEatam te dicent omnes generationes, Genitrix vitæ, & Mater
Sal-

Salvatoris, vere omnium viventium
 Mater effecta es, dum mundo vi-
 tam & gratiam per Filium genuisti.
 Procura nobis hanc gratiam, ut æ-
 ternam nos serves in vitam, in hu-
 jus enim mundi pelago certum est
 omnium naufragium, nisi tu stella
 navigantibus adsis. O adsis pericli-
 tantibus in tentationum procellis!
 & fiat conscientie tranquillitas: ô
 adsis! & conatus nostros ad veræ, so-
 lidæque virtutis portum perducas,
 Amen.

HORA XI.

Ad Matrem Sodalium Marianorum.

O Domina! ô Magistra! ô vera
 Auctrix! & Mater Sodalium
 tuorum! sicut te DEUS Pater poten-
 tissimam effecit, Filius inexplicabi-
 libus sapientiæ thesauris replevit, &
 & Spiritus S. tibi amorem cum ple-
 nitudine gratiæ infudit, ita redde
 animas tuorum Sodalium horum
 dono-

donorum participes, & uberioribus
DEI gratiis in dies recipiendis ca-
paces, ut quando nomine Filios
tuos nos profitemur, operandi quo-
que studio filialis amoris mensuram
impleamus. Amen.

HORA XII.

Ad Matrem meam Dilectissimam.

IN manus tuas, ô Mater mea di-
lectissima! commendo spiritum
meum: tibi ego soli derelictus
sum, egenus & orphanus, id est
Filius tuus: Monstra te igitur Ma-
trem meam, quam elegi, & iterum
eligo, atque ad pedes tuos humil-
lime prostratus, tibi cor meum of-
fero. Confiteor ô Mater! debebam
esse propter peccata mea filius iræ,
sed per nimiam bonitatem tuam fa-
ctus sum filius gratiæ. Ama me ô

Mater! quia amo te, & eligo
millies mori, quam non
amari à te,

A M E N.

LITANIÆ DE B. MATRE.

KYrie Eleison. Christe Eleison. Kyrie Eleison.

Christe audi nos. Christe exaudi nos.
Pater de Cœlis DEUS. Miserere nobis.
Fili Redemptor mundi DEUS. Misere-
re nobis.

Spiritus Sancte DEUS. Miserere nobis.
Sancta Trinitas unus DEUS. Miser. nobis.

Sancta Maria.

Sancta Virgo Virginum.

Mater Christi.

Mater Divinæ gratiæ.

Mater Purissima,

Mater Castissima.

Mater inviolata.

Mater Intemerata.

Mater Amabilis.

Mater Admirabilis.

Mater Creatoris.

Mater Salvatoris.

Mater nostra dilectissima.

Apud Jesum Filium tuum. Propitia no-
bis esto.

Apud Jesum Judicem futurum. Advo-
cata nobis esto.

Ora pro nobis.

Ab omni animæ & corporis malo.
 Ab omni peccato.
 A spiritu fornicationis.
 A subitanea & improvisa morte.
 A morte perpetua.
 Per æternam Prælectionem tuam.
 Per Immaculatam Conceptionem tuam.
 Per Sanctam Nativitatem tuam.
 Per mellifluum Nomen tuum.
 Per devotam Præsentationem tuam.
 Per cœlestem in terris Conversationem tuam.
 Per purissimam Desponsationem tuam.
 Per Angelicam Annunciationem tuam.
 Per supervenientis in te Spiritus Sancti Obumbrationem.
 Per humilem Visitationem tuam.
 Per virgineum Partum tuum.
 Per intemeratam Virginitatem tuam.
 Per purissimam Purificationem tuam.
 Per dulcissimam Conversationem cum Filio tuo.
 Per Dolores tuos.
 Per Gaudia tua.
 Per amorosam mortem tuam.
 Per admirabilem Assumptionem tuam.
 Per gloriosam Coronationem tuam.
 Per Viscera misericordiæ tuæ.
 Nos Filii tui. Te rogamus audi nos.
 Ut

Libera nos o Mater.

Ut veram pœnitentiam nobis impetrare digneris.

Ut mentis, & corporis puritatem nobis impetrare digneris,

Ut nos ab hoste protegere, & in hora mortis suscipere digneris.

Ut nos in obsequio Filii tui confortare digneris.

Ut tui amorem filialem in nobis augere, & conservare digneris.

Ut in nobis sincerum virtutis amorem, & studium accendas.

Ut in sancto servitio tuo nos conserves.

Ut in Sancta Ecclesia antiquam erga te pietatem conserves.

Ut nobis in tentationibus assistere, & in hora mortis animam nostram suscipere digneris.

Ut tibi Filii devoti, & invocantes tuum nomen moriamur.

Ut omnibus fidelibus defunctis requiem æternam impetrare digneris.

Mater nostra dilectissima.

Agnus DEI, &c.

ψ. Sub tuum præsidium.

℞. Confugimus. &c.

ψ. ô Domina quia ego Servus tuus.

℞. Ego Servus tuus, & Filius Ancillæ tuæ.

ψ. Confirma hoc DEUS, quod operatus es in nobis.

℞. A

HORA II.

Ad Matrem Divinæ gratiæ.

FAc, ô Benedicta Mater Divinæ gratiæ, per plenitudinem gratiæ, quam apud DEUM invenisti, per prærogativam, quam meruisti, per misericordiam, quam peperisti, ut qui te mediante fieri dignatus est particeps humanitatis, & miseræ nostræ, te quoque intercedente participes nos faciat hic gratiæ, ibi vero beatitudinis, & gloriæ suæ, JESUS Christus Filius tuus Dominus noster, qui tecum est super omnia benedictus in sæcula, Amen.

HORA III.

Ad Matrem purissimam.

PER viscera misericordiæ tuæ, Mater purissima, quibus omnes ad te confugientes Materna pietate complecteris, largire supplicibus nobis, ut qui te veram Genitricem DEI, & Matrem nostram veneramur in terris, precibus ac meritis adju-

adjuti tuis , effectum miserationis
Divinæ consequamur , & demum
te videre , & amare mereamur in
cœlis , ô clemens ! ô pia ! ô dulcif-
sima Virgo , Mater nostra Maria !
Amen.

HORA IV.

Ad Matrem castissimam.

Obscuro te , ô Mater castissima !
per gratiam , qua Dominus te-
cum , Teque ab æterno in Filii sui
Matrem eligens , voluit esse secum , fac
nobiscum secundum magnam mi-
sericordiam , & Maternam pieta-
tem tuam , ut ab omnibus , quæ si-
ve in mente , sive in corpore Vir-
gineis tuis oculis placere nequeant ,
simus liberi , & adversus omne ,
quod puritati repugnat , tuo per-
petuo auxilio muniti. Amen.

HORA V.

Ad Matrem inviolatam.

Non alia nobis fiducia , ô Maria !
nisi per te , non alius nobis
certior salutis portus , nisi in te ô
Ma-

℣. A templo sancto tuo , quod est in
Jerusalem.

℣. Domine exaudi orationem meam.

℣. Et clamor meus ad te veniat.

OREMUS.

CONcede quæsumus omnipotens
æterne Deus, ut qui Matris uni-
geniti Filii tui Filiorum nomine læ-
tamur, ejusdem apud te intercessio-
nibus adjuti, ab omnibus malis libe-
remur, & ad æterna gaudia pervenire
feliciter mereamur. Per eundem
Christum Dominum nostrum, Amen.

OREMUS.

Domine JESU Christe, qui in
Cruce pro salute humani gene-
ris moriens Matri tuæ dilectum Di-
scipulum Joannem in Filium com-
mendasti, largire supplicibus nobis,
ut te toto corde diligentes, no-
mina nostra tamquam Filiorum Ma-
riæ scripta esse in Coelis gaudea-
mus, qui vivis & regnas
in sæcula sæculorum.

A M E N.

IBLIOTECA
ASTRA
SIBIU

Georgius Michæ
hæd vesse
hæd vesse
val hic li. Dānos Dey
Wouter

Ano Domini 1. 7. 100 81

Andor

Anno 1798. Anno 1895.

Anno 1798. 1895.

Josephus Novæ

Anno 1895

